

第四一〇册

明倫彙編

閩媛典

閩節部

一
卷
一
二
七

古今圖書集成

中華書局影印



古今圖書集成

卷一百一十五

欽定古今圖書集成明倫彙編閩媛典
第一百九十四卷目錄

閩節部列傳七十六

明七十一

胡崇憲妻劉氏	胡克秀妻彭氏
傅克仁妻周氏 女附	董復宗妻胡氏 張氏附
彭蕃妻陳氏 黃氏附	鄭可與妻金氏
胡泊川妻陳氏	陳永懷妻巨氏
劉楫妻馬氏	胡永徵妻李氏
張景榮妻方氏	江宗讓妻吳氏
屈賢妻程氏	鄭武妻徐氏
劉綱妻辛氏	許穆卿妻邵氏
胡末福妻許氏	徐萬碩妻程氏
王千鍾妻董氏	詹伯尹妻倪氏
程氏女	計士元妾趙氏
胡均政妻張氏	吳彪妻姜氏
費婦張氏	史永壽妻楊氏
崔繼勳妻黎氏	張泰陽妻劉氏
熊守仁妻鮑氏	史靜隱妻周氏
章益閨妻張氏 女普安附	朱璽妻羅氏
陶順順妻程氏	謝用賓妻洪氏
高橋妻許氏	吳公治妻程氏
汪恭敬妻王氏	胡末繼妻徐氏
張悅妻舒氏	徐伯遼妻詹氏 李氏附
章起河妻江氏	李國春妻朱氏
張文明妻鄭氏	章捷妻馬氏
胡儒妻張氏	詹紘妻吳氏

投鎮妻章氏	趙慶妻張氏
舒輒妻張氏	江國妻余氏
吳正道妻朱氏 陳氏附	汪廷輔妻朱氏
王驩妻張氏	曹春四妻陳氏
張燈繼室黃氏	戴以賢妻范氏
吳國賓妻章氏	周綱妻任氏
郭守敬妻鄒氏	許汝高妻陳氏
朱日妻黃氏	蕭鳳來妻李氏
陳士習從母張氏	余貫質妻劉氏
許汝高妻陳氏	袁結妻徐氏
鄧時習母江氏	淦之龍妾馬氏 朱氏附
李天緣妻余氏	熊德曜妻陳氏
袁謙昌妻龔氏	鄒孟賢妻李氏
鄒世延妻劉氏	李聯亨母廖氏
淦守緝妻熊氏	戴君命妻帥氏
熊維美妻盧氏	熊維則妻陳氏
熊相宇妻劉氏	熊維侃妻陳氏
熊大環妻淦氏 徐氏附	燕思周妻王氏
黃見妻陳氏 何氏附	淦弘炳妻何氏
何天銳妻戴氏	李宗魯妻余氏
陳文化妻熊氏	淦應龍妻黃氏
朱元初妻呂氏	王良卿妻孫氏
夏鉞妻李氏	劉璋妻鄭氏
周智先妻徐氏 熊氏附	程志決妻謝氏
桂枝楊妻曾氏	丁以爵妻丘氏
王標妻計氏	柯嫌妻黃氏 嚴氏附
陶養化妻時氏	李伯齡妻陳氏 胡氏附

劉淦妻黃氏	陳筵妻鄧氏
張良輔妻王氏 董氏附	陳天寬妻周氏
張至妻陳氏	陳集之妻徐氏
王三錫妻姜氏	孫光啓妻黃氏
毛尚彬妻汪氏	胡淮妻江氏
何應宿妻曾氏	許元妻楊氏
方文七妻葉氏	張某妻費氏
費冠之妻李氏 吳氏附	劉文貴妻吳氏
張某妻鄭氏	吳綸妻張氏
費永年妻程氏	俞起莘妻呂氏
趙昇妻徐氏	祝一梁妻俞氏
汪綜妻呂氏	周時達妻胡氏
紀應瑞妻黃氏	俞駁妻周氏
潘之相妻周氏	俞汝絳繼妻王氏
朱賢妻姚氏	呂子昂妻王氏
楊鑾妻周氏	紀大瑚妻俞氏
潘大蕃妻徐氏	吳國士妻胡氏
余文大妻周氏	周貽讓妻余氏
徐學召妻潘氏	劉九章妻程氏
王篋亨妻詹氏	周尚觀妻吳氏
鄭元亨妻俞氏	紀芳春妻呂氏
曾全妻湯氏	管建中妻張氏
徐承恩母劉氏	周士禎妻姜氏
李元潔妻黃氏	詹涼妻黃氏
喻詔妻楊氏	劉世亨妻趙氏
危時行妻劉氏 楊氏附	饒贊妻唐氏 蕭氏附
彭亨妻黃氏	傅燭七妻范氏

喻某妻周氏

趙時所妻過氏

吳世龍妻余氏

吳時順妻許氏

劉傲妻方氏

劉作妻方氏

黃玉沆妻鄧氏

聶裕妻劉氏

王福地妻徐氏

閩媛典第一百九十四卷

閩節部列傳七十六

明七十一

胡崇憲妻劉氏

按饒州府志劉氏胡崇憲妻年二十五夫亡守志撫孤始終一節萬曆間事聞旌其門

胡克秀妻彭氏

按饒州府志彭氏胡克秀妻年二十三夫亡苦志守節萬曆間有司旌其閭

傅克仁妻周氏

女附

按饒州府志周氏傅克仁妻年二十七而寡止一女贅壻方克信生子應麟未卺克信亦沒妻年二十八與母相依貧苦無變

董復宗妻胡氏

張氏附

按饒州府志胡氏董復宗妻郡丞彥和子婦年二十九夫亡子甫四歲與復宗弟復興妻張共孀張年一十七子殤二寡交撫一子成立

彭蕃妻陳氏

黃氏附

按饒州府志陳氏彭蕃妻年二十餘夫亡斷髮納棺中誓不更嫁其姊彭續妻黃氏年二十一而寡亦破鏡自矢各撫一子苦節終身

鄭可與妻金氏

按饒州府志金氏鄭可與妻家貧力麻臬育子成人終老不再嫁

胡泊川妻陳氏

按饒州府志陳氏胡泊川妻歸川三載而寡孝養祖姑及姑撫子景輔成立

陳永懷妻巨氏

按饒州府志巨氏陳永懷妻懷早亡無子氏奉姑以孝聞守節終老

劉楫妻馬氏

按饒州府志馬氏總旗馬思敬女適棠陰巡檢劉斌次子楫未兩月夫亡矢志終老

胡末徵妻李氏

按饒州府志李氏胡末徵妻夫亡無子養姑守節沒齒如初

張景榮妻方氏

按饒州府志方氏張景榮妻榮亡撫幼子成立奉姑守節終身

江宗讓妻吳氏

按饒州府志吳氏江宗讓妻讓沒撫二子成人以節終老

屈賢妻程氏

按饒州府志程氏屈賢妻賢亡撫二幼女守節不二鄭武妻徐氏

按饒州府志徐氏鄭武妻武沒撫遺腹子守志不渝劉綱妻辛氏

按饒州府志辛氏劉綱妻事實無考

許穆卿妻邵氏

按饒州府志邵氏名玉貞諸生許穆卿妻弋陽人年十五適穆卿二年穆卿患痘亡遺孤甫三月慟哭不食求死姑范氏諭令撫孤乃強偷視息茹蔬斷腥每食必面神主姑疾躬侍湯藥顧天求代苦節五十三載子克成立萬曆二十三年旌表

胡永福妻許氏

按饒州府志許氏名西貞胡永福妻年十五歸福孝事舅姑未福以上五代單傳許勸夫納妾生一子甫三齡福渡河溺死許年二十三撫庶出子如所生蓬垢紡績孀居四十餘年

徐萬碩妻程氏

按饒州府志程氏名嬌貞徐萬碩妻適徐逾年生一子碩運糧死儀真年二十一聞訃號慟欲絕念子幼且懷娠忍死撫孤誓不再適二子邦鎮邦壽俱克成立構慈節堂以養母氏年七十而終

王千鍾妻董氏

按饒州府志董氏諸生王千鍾妻歸三年鍾病亡董年十八生子甫週鍾臨沒以家貧囑氏再適氏剪髮誓無他志及孀居撫孤艱苦萬狀卒無怨悔姑病目將瞽氏每日虔禱以舌舐之昏目復明年八十餘萬曆二十六年旌表

詹伯尹妻倪氏

按饒州府志倪氏詹伯尹妻吳溪人尹家貧好學病

以倪孝事姑嫜苦節終老有司旌其門

程氏女

按饒州府志程氏女許聘庠生盛善善久病不起女請往侍湯藥父母許之越七日善亡女執喪哀毀父母欲嫁之不食誓死守志終身卒年八十

計士元妾趙氏

按饒州府志趙氏兵部尚書郎計士元妾元妻江氏以艱於子勸納趙遇之有恩趙事江益謹越五年士元沒於官櫬歸涉楊子江遇烈風二婦抱棺大哭鄰橋皆傾獨其舟無恙抵家立姪鯨為嗣妻妾相依若形影或以趙年少諷再適趙憤激奪刀自破其面欲死江力止之遂共經營舅封及夫葬事家益落紡績自贍備嘗艱難苦守四十餘年有司旌表

胡均政妻張氏

按饒州府志張氏胡均政妻夫早喪家貧遺三弟俱幼一子未葢張年二十三誓不再嫁紡績撫育延師以訓幼叔及其子皆得成立孀居六十餘年終

吳彪妻姜氏

按饒州府志姜氏吳彪妻長史憲之孫女嫁月餘而彪客閩浮海死姜聞悉脫簪珥還舅姑屏脂澤絕肉食深居不出人莫觀其面哀毀骨立而卒

費婦張氏

按饒州府志張氏費隱于婦夫某早亡氏年二十誓不再嫁父母強之遂自縊於樹下救甦守節終身

史永壽妻楊氏

按饒州府志楊氏史永壽妻客死於閩楊年二十六撫一子一女堅心守節四十餘年子浩為御馬監

吏疏聞母節未報而終

崔繼勳妻黎氏

按饒州府志黎氏名罕璧千戶崔繼勳妻年十八歸勳越四年勳亡無嗣黎年二十二欲以死殉不食七日曾祖姑王祖姑戴俱婦論之曰汝死吾兩人誰依遂斷髮自守王目昏齒落黎每食必以匙進夜以身溫被日起進衣八年如一日戴患瘋七載黎持抱登廁兩肘幾不伸病篤為之嘗糞艱苦萬狀人不能堪及沒治喪惟謹一飲食必先獻至老衰經不去體家失火觸棺暈死以救甦尋鄰家又火黎抱夫像俟焚火遂熄有孤燕獨結小巢於梁不復求配次年亦然萬曆間事聞旌表

張泰陽妻劉氏

按饒州府志劉氏張泰陽妻泰陽疾革語劉曰婦人所託惟夫與子我死無後汝奚適劉泣曰生為張婦死為張鬼言畢泰陽死劉慟絕復甦守節不二或諷之即厲聲叱絕孀居三十五年終

熊守仁妻鮑氏

按饒州府志鮑氏熊守仁妻萬曆時人適熊二載仁以杜門自守辟繡奉姑惟謹鄰失火將及其室火忽自滅邑令異而詢之里老以鮑節婦對因盡述其生平苦節申請旌表

史靜隱妻周氏

按饒州府志周氏茂州判官周彥英女史靜隱妻隱病不起遺孤甫晬家貧甚咸謀嫁之氏錮門絕食偶鄰婦馬氏遣婢持薪米易繡強之食始得復生子稍長隨舅賈河南氏衣食一資十指日不再炊夜無複

念苦饑寒十有六年其子飄零行丐而歸躬漁樵以養母母子拮据以葬亡者後三世孫以廉吏顯於時

章益閨妻張氏

女普安附

按饒州府志張氏章益閨妻榮祖女繼母不慈氏孝事猶謹年十六歸益閨益閨沒氏年二十七子孟宣九歲女普安四歲氏計以死從親黨力勸稍解後母族諷他適氏厲聲拒絕之由是不復歸寧苦節育孤成立女普安適吳季綱季綱客死山陽普安慟絕復甦矢志如母刺繡自給終舅姑喪撫育子女終身

朱璽妻羅氏

按饒州府志羅氏貢士朱璽妻璽沒執喪如禮守節教子銑領鄉薦逾年姑染疫羅調護不離左右姑疾瘥羅得疾死

陶順暄妻程氏

按饒州府志程氏陶順暄妻歸三年暄疾革謂程曰汝方娠儻生子幸鞠之程泣曰雖非男亦無他志兄憐其貧勸改適終不聽撫孤成立年七十一終

謝用賓妻洪氏

按饒州府志洪氏名秀謝用賓妻歸六年生二子用賓病革目顧氏而不言洪涕泣語用賓曰必保爾宗祀無憂也用賓既沒氏去膏沐勤紡績撫二孤成立年七十以壽終

高橋妻許氏

按饒州府志許氏名定貞高橋妻嫁期年橋沒無嗣許哀毀骨立父母憐其少諷託終身氏泣而歸日夕力女紅撫姪艾為嗣歷苦節五十年終

吳公治妻程氏

按饒州府志程氏名瓊貞諸生吳公治妻公治沒無嗣氏欲以死殉姑救免居常不事容飾力紡績自給叔姪兄弟褻服者不敢升其堂萬曆初旌表年八十餘終

汪恭敬妻王氏

按饒州府志王氏太學生汪恭敬妻歸未數載恭敬亡王年二十遺孤在襁褓欲以身殉父文偉諭之乃屏鉛華撫孤事翁苦守三十餘年終

胡永繼妻徐氏

按饒州府志徐氏諸生胡永繼妻事夫一載未亡徐矢志守節不出戶庭萬曆丙辰直指奏旌其閭卒年七十有四

張仇妻舒氏

按饒州府志舒氏張仇妻夫亡苦守直指旌其門固辭不受

徐伯達妻詹氏 李氏附

按鄱陽縣志詹氏徐伯達妻遵讀書早世易簣時囑詹撫孤詹年二十五妾李氏年二十妻妾共誓相守互相砥礪以全其節詹卒年六十五李亦六十而終

章起河妻江氏

按餘干縣志江氏庠生章起河妻年十九夫亡剪髮訓子事舅姑以孝聞

李國春妻朱氏

按餘干縣志朱氏李國春妻年二十二夫沒孝事舅姑訓子以義方鄉里稱之

張文明妻鄭氏

按餘干縣志鄭氏張文明妻年十八夫沒游遭亂離

艱苦備嘗清操益厲

章捷妻馬氏

詹紘妻吳氏

趙夔妻張氏

按餘干縣志已上五婦俱夫亡守節事實無考

舒輒妻張氏

江國妻余氏

按餘干縣志已上二婦俱夫死守節萬曆間有司給粟帛旌之

吳正道妻朱氏 陳氏附

按浮梁縣志朱氏吳正道妻年二十二夫亡撫子宗孟成立宗孟妻陳氏年二十四而寡或勸再適陳曰吾姑守節時尚少二歲苟有他志何顏見姑於地下卒撫子家桂成立年七十終

汪廷輔妻朱氏

按浮梁縣志朱氏汪廷輔妻年十七歸廷輔姑亡歲饑廷輔繼沒或欲奪其節氏剪髮自誓年六十四卒族里設位哭之哀聲夾道聞者涕下

王驪妻張氏

按浮梁縣志張氏王驪妻年二十五夫亡無子斷髮矢志終身不變

曹春四妻陳氏

按浮梁縣志陳氏名微眞曹春四妻年二十四無子而寡舅姑亦沒伯氏逼他適氏願自降爲婢伯氏悟乃止

張燈繼室黃氏

按浮梁縣志黃氏張燈繼室年三十夫沒無子前妻于亦早逝黃與婦共撫幼孫成立

戴以賢妻范氏

按浮梁縣志范氏戴以賢妻年二十六夫亡守節教子宗禹以明經任教授萬曆間縣令旌之壽七十六卒

吳國賓妻章氏

按浮梁縣志章氏吳國賓妻年二十一而寡事舅姑撫幼子無二志舅姑死事妾姑亦無缺禮父母沒無子喪葬盡禮人稱節孝年六十六終

周綱妻任氏

按南康府志任氏安義周綱妻夫亡守節終身

郭守敬妻鄒氏

按南康府志鄒氏安義郭守敬妻夫亡甘貧守節終身無改

許汝高妻陳氏

按南康府志陳氏星子許汝高妻早寡家極貧忍饑寒勵節至死不變

朱日妻黃氏

按南康府志黃氏都昌朱日妻年十七歸日逾年日已甘貧守志誓不再嫁遺腹七月生子廷對以紡績教子爲諸生萬曆四十年奉詔建坊旌表

蕭鳳來妻李氏

按南康府志李氏星子庠生蕭鳳來妻年二十六喪夫守節五十餘年有司旌表

陳士習從母張氏

按南康府志張氏都昌陳士習從母年二十八夫亡孀居數十年訓諸婦有儀法卒年五十九教三子士聰士俊士秀俱克成業

余貫質妻劉氏

按都昌縣志劉氏市民余貫質妻年十八適質逾年夫亡甘貧守節誓不再嫁遺腹三月生子恆足撫育成立苦節益堅年五十餘有司旌表

許汝高妻陳氏

按都昌縣志陳氏鄉民許汝高妻一元母事姑以孝聞嘉靖十年夫亡撫子子喪復撫孤孫家徒四壁紡績自給挾一目以自勵萬曆間有司奏請旌表

袁結妻徐氏

按建昌縣志徐氏袁結妻夫早亡撫遺腹子矢志不二年七十餘終萬曆間公舉貞節其孫憚費嘆舉者而罷

鄧時習母江氏

按建昌縣志江氏鄧時習母年二十喪夫苦節撫孤年踰八十鄉黨重之

淦之龍妾馬氏

朱氏附

按建昌縣志馬氏宛平人通判淦之龍妾龍沒嫡子亦亡馬與嫡婦朱氏共守馬年二十四朱年十九家無餘資姑婦紡績以終餘年

李天緣妻余氏

按建昌縣志余氏名雪英李天緣妻年十九夫亡遺孤嘉猷纔四月氏撫之長補邑庠生有司卹以米布羊酒年七十一萬曆二十三年奉詔旌閭

熊德曜妻陳氏

按建昌縣志陳氏熊德曜妻夫早亡氏年二十子士益纔兩週翁姑慮鮮終使鄰婦探之氏堅誓不改適士益長就外傳病疹危急求與母訣氏終不出子亦

尋愈長補邑弟子員

袁謙昌妻龔氏

按建昌縣志龔氏袁謙昌妻年十九而寡撫遺腹子長而廢學氏泣曰我不死覲撫孤有成耳今若此恨死不早乃教孫顯素補邑諸生未幾卒

鄒孟賢妻李氏

按建昌縣志李氏諸生鄒孟賢妻孟賢早亡家貧斷指自誓教子鱗鮮爲諸生

鄒世延妻劉氏

按建昌縣志劉氏名玉貞諸生鄒世延妻延早沒氏苦節終身有司旌表

李聯享母廖氏

按建昌縣志廖氏儒士李聯享母年少守節白首如初邑令旌表

淦守緒妻熊氏

按建昌縣志熊氏文學淦守緒妻緒早亡氏年二十子弘叔弘演南穆祿堅志守節白首不下堂終身素布不改子孫皆以學行聞

戴君命妻師氏

按建昌縣志師氏大井戴君命妻年二十夫亡守志不出戶庭不苟言笑綢繆自潔齋素不改教遺腹子復元爲諸生年八十有三卒

熊維美妻盧氏

按建昌縣志盧氏熊維美妻生子元啓未週而維美亡撫啓長取婦生孫而啓又沒盧復撫孫生曾孫終其身如一日

熊維則妻陳氏

按建昌縣志陳氏文學熊維則妻則被兵害陳觸石而死以救甦子元淳甫六月及長生孫而淳又喪兩世一孤苦節彌厲鄉族重之

熊相宇妻劉氏

按建昌縣志劉氏熊相宇妻年二十喪夫無子苦節自守踰五十年終

熊維侃妻陳氏

按建昌縣志陳氏熊維侃妻年十九喪夫子曰昭甫四歲有鄰婦再嫁或諷之陳毀容誓死撫子成立終身無改

熊大環妻淦氏

徐氏附

按建昌縣志淦氏南陵令熊汝堃子文學大環妻大環早亡子中夢又天中夢妻妾皆有子而環母鄧氏年將百歲淦率婦徐氏上奉期頤之姑下撫兩孫四世榮榮皆依淦爲命而淦挺然不撓人皆賢之徐安義人父碭壬辰進士

燕思周妻王氏

按建昌縣志王氏燕思周妻年二十一夫亡撫姪日聲爲嗣辟繯自給年踰七十終

黃吳妻陳氏

何氏附

按建昌縣志陳氏黃吳妻吳年十九應試歸而死氏年十七遺孕七月生子士堯長領萬曆辛酉鄉薦尋喪媳何氏年三十與姑共教其子相守終身

淦弘炳妻何氏

按建昌縣志何氏淦弘炳妻年二十二炳死子時棟方二歲炳無兄弟舅姑老氏隻身奉翁姑撫孤歷數十年子孫蕃衍氏以壽終

何天銳妻戴氏

按建昌縣志戴氏何天銳妻年十八喪夫父母以其子幼逼令改嫁氏以死誓事翁姑孝撫子嚴終始一節萬曆二十三年有司疏請旌表年七十餘終

李宗魯妻余氏

按建昌縣志余氏余孔德女幼通孝經大義適同鄉李宗魯數年魯病亡氏年十九欲以身殉觸棺流血骨折氣幾絕賴救復甦已而斷髮撫孤奉舅姑以孝歲歉家徒壁立自食藜藿而以稻梁養其舅姑每朔望及忌辰輒號哭竟日歷五十年無改直指與學使卹以羊酒米帛萬曆二十三年有司疏聞建坊旌其閭

陳文化妻熊氏

按建昌縣志熊氏諸生陳文化妻生子耀方在襁褓而文化亡姑謀嫁之氏抱子溺水中以救免躬事紡績獨處一室鄰族罕見其面萬曆癸巳直指卹以羊酒米帛表其門

淦應龍妻黃氏

按建昌縣志黃氏文學淦應龍妻龍年十七死父母兄弟欲嫁之氏投於河以救免矢志撫孤終身不二年九十三縣令旌之

朱元初妻呂氏

按九江府志呂氏德化諸生朱元初妻性至孝姑疾篤割股愈之夫病幾不起復以割股獲瘳夫沒矢志不嫁先是三乳生六子及寡俱克撫育萬曆間直指旌其閭

王良卿妻孫氏

按德安縣志孫氏諸生王良卿妻年二十五夫亡二子俱幼或慕其色欲謀娶之孫剪髮剃面誓不易志年六十餘卒萬曆中旌表

夏鉞妻李氏

按德安縣志李氏南昌李常女年十六歸夏鉞生子六月鉞亡季年十八誓死不二父母憐其幼欲奪其志李慘然涕下曰命之不祥置此子於何地父母曰汝子寧足恃耶李曰然但我試守若天果勿祐夏氏則於我無憾卒堅守六十餘年子竟成立生七孫鉞宗祀賴以不墜季年八十二終

劉璋妻鄭氏

按德安縣志鄭氏南昌衛鄭唐女邑人劉璋妻年二十四璋死遺腹三月生子春奇誓死生與共或諷改節截髮以拒人遂不復言年六十二卒

周智先妻徐氏

按德安縣志徐氏諸生周智先妻年十四歸周二十夫死撫三子成人一子早喪媳熊氏年十九有孫方越月徐與同處一室終身

程志淡妻謝氏

按德安縣志謝氏程志淡妻夫早亡遺腹生子未爵父母勸使他適不從伯程志浩復逼之嫁氏髣髴毀容甘貧撫孤屹然不動直指表其門年八十一卒

桂枝楊妻曾氏

按德安縣志曾氏文輔女南吏部桂枝楊妻枝楊年三十餘沒於官宦豪蕭然曾竭力經營扶觀歸里閉戶紡績撫姪詹瞻為嗣母子饑寒度日如歲終無怨言直指歲給米帛周之年九十卒

丁以爵妻丘氏

按德安縣志丘氏泰山丘南台女丁以爵妻年二十曾以子應乾僅三歲家計蕭然止遺槁田七畝租入不足供餬粥丘力紡績以納稅家人多殷實亦不相顧丘立志彌堅教子彌篤歷二十餘年如一日卒年七十有六有司表其門

王標妻計氏

按彭澤縣志計氏年十六適王標事舅姑克孝越八年標亡哀毀幾死既而曰棄老姑幼子不更負王氏耶遂矢志守節絕容飾慎言笑至死不變事聞有司旌之年八十卒

柯嫌妻黃氏

按彭澤縣志黃氏柯嫌妻年十九夫亡撫遺腹子垣長娶嚴氏未一載垣歿嚴年十六又遺腹生鍾婦姑共撫之相依為命俱以壽終萬曆初學使旌表

陶養化妻時氏

按彭澤縣志時氏陶養化妻夫亡守節萬曆間旌表

李伯齡妻陳氏

按彭澤縣志陳氏年二十歸李伯齡生子淑珍淑瓊越七年夫亡苦節不嫁淑瓊妻胡氏年二十生思麒瓊亡同姑守志事姑甚孝相繼而終

劉淦妻黃氏

按彭澤縣志黃氏名貞懿湖口黃釗女年十九適劉三年夫亡子价方一歲黃屏絕膏沐事舅姑足不踰閭年七十三廣陵桑喬為撰墓表

陳筵妻鄧氏

按瑞昌縣志鄧氏諸生陳筵妻筵死鄧年二十四子

娶方半月氏葬其夫於平頂山築二壙以自待事二姑至孝有司以聞學使表其閭

張良輔妻王氏 董氏附

按瑞昌縣志王氏張良輔妻年二十五夫死姑亦沒遺子僑甫六歲舅命再嫁氏涕泣以謝攻紡績以供菽水僑長娶董氏八年董亦寡撫二子與姑共守撫孤成立縣令請表其閭固辭而止

陳天寬妻周氏

按瑞昌縣志周氏洪陽陳天寬妻年十六夫亡氏方姪姑劉孀且老欲死不可辟繯以給衣食形毀骨立見者靡不憐之姑年八十餘終子亦成立縣令表其門

張至妻陳氏

按瑞昌縣志陳氏郡諸生張至妻至早亡長子五歲次方二歲陳年二十四矢志苦守艱辛五十餘載教子成人邑令旌表年七十九卒

陳集之妻徐氏

按瑞昌縣志徐氏諸生徐懋妹年十六適陳集之八年集之病篤一子甫辟一夕夫與訣曰我死無他志乎氏抱子泣對曰既爲陳氏婦豈敢有他志以辱夫子集之亡氏事舅姑以禮教子有義方孫四曾孫十餘輩皆克成人氏年八十卒

王三錫妻姜氏

按湖口縣志姜氏諸生王三錫妻年二十六錫亡家人欲奪其志不可甘貧苦節課子飲早爲諸生萬曆間旌表年八十五卒

孫光啓妻黃氏

按湖口縣志黃氏孫光啓妻年十九歸孫閱七月夫亡遺腹四月父以家貧欲奪其節氏引刀截耳以示不二繯繯自給備歷辛苦及生男夢陽教之讀書補邑弟子員萬曆初旌表

毛尚彬妻汪氏

按貴溪縣志汪氏毛尚彬妻彬亡僅遺一女氏年二十三家貧甚勤繯繯以奉舅姑舅姑沒依子女死依父兄邑令上其事直指旌表

胡淮妻江氏

按貴溪縣志江氏胡淮妻年十九淮死事寡姑甚謹教子頗嚴撫幼叔過於所生家極貧不使廢學年八十卒直指表其門

何應宿妻曾氏

許元妻楊氏

按貴溪縣志已上二婦俱年十九而寡苦守三十餘年縣令旌之

方文七妻葉氏

按鉛山縣志葉氏方文七妻夫亡有惡少趙念四美其妾乘間入室求合葉以死拒趙既出氏持利刃泣懇於臺使諭趙死事姑育子冬無完褐聞者傷之

張某妻費氏

按鉛山縣志費氏文通之妹嫁西洋張某孝姑順夫姻族稱賢無何夫死姑亦沒二棺在堂鄰失火氏號泣籲天感衆昇出力勤女紅拮据謀葬時值兵荒外侮迭至歲無寧居卒挺立不撓有司以聞詔旌表

費延之妻李氏 吳氏附

按鉛山縣志李氏費延之妻延之早死子華尚幼姑陳氏性頑囂李以柔婉承歡掃牀肆簞躬湯沐執烹

飪等於婢僕姑左右青衣如雲亦不令代姑稍怒即長跪俯伏人稱女中大舜及華長娶吳氏華爲中書尋沒吳撫遺孤有九熊風李所教也

劉文貴妻吳氏

按鉛山縣志吳氏劉文貴妻年十九歸劉二年劉亡生子應昌纔八月豪族謀娶之氏毀容以拒姑病厲劉股療之歷節四十三年事聞詔旌其門

張某妻鄭氏

按鉛山縣志鄭氏年十七歸張某五年夫亡撫半歲子事八旬繼姑紡績以供湯藥顛沛無怨年七十餘卒直指表其門

吳綸妻張氏

按鉛山縣志張氏吳綸妻年十九歸綸二年綸病氏割股救之不效及綸亡剪髮內棺中誓無二志年七十三卒

費末年妻程氏

按鉛山縣志程氏費末年妻費病氏寢食俱廢及亡痛哭幾死母憐其少令再適程斷髮自誓勵節益堅事舅姑撫孤艱辛備至萬曆十三年旌表

俞起莘妻呂氏

按永豐縣志呂氏俞起莘妻年十八子孝方七月苦守成長教之讀書爲諸生有孝行呂治家嚴肅三尺童子不入中門內外咸憚之

趙昇妻徐氏

按永豐縣志徐氏趙昇妻年二十一夫亡無子矢志靡他撫姪爲嗣年九十終萬曆間詔旌其門

祝一梁妻俞氏

按永豐縣志俞氏祝一梁妻年十八一梁死守節終身建坊旌表

汪銘妻呂氏

按永豐縣志呂氏汪銘妻年十八適銘逾年而寡遺孤方一月氏毀容矢志事姑鞠子歷三十餘年子天家益貧紡績撫孫勤苦而死鄉里稱之

周時達妻胡氏

按永豐縣志胡氏諸生周時達妻年十八夫亡以懷娠不即死後舉子里豪欲娶之氏截髮矢志終始不渝姑病刲股愈之守節五十九年萬曆間詔旌其門

紀應瑞妻黃氏

按永豐縣志黃氏紀應瑞妻年二十二夫沒撫數月孤既娶生孫又早喪姑婦共苦守三十餘年有司表其門

俞皎妻周氏

按永豐縣志周氏諸生俞皎妻夫沒撫遺孤信長娶王氏亦早寡姑婦共勵貞操有司表其節

潘之相妻周氏

按永豐縣志周氏潘之相妻年二十七夫亡或憐其貧諷改適不聽以紡績養姑鞠子辛苦五十餘年直指旌之

俞汝彝繼妻王氏

按永豐縣志王氏太學生俞汝彝繼妻歸俞數年而寡遺孤甫離襁褓王矢志不二事姑撫子以孝慈聞未幾前妻所生子沒氏又教諸孫成立拮据五十餘年萬曆間有司旌表

朱賢妻姚氏

呂子昂妻王氏

按永豐縣志已上二婦俱夫亡無子守節終身

楊燦妻周氏

按永豐縣志周氏楊燦妻及笄歸楊中道失偶撫遺腹子晫晫晫丸熊迄於成立年八十五終學使旌其門

紀大瑚妻俞氏

按永豐縣志俞氏諸生紀大瑚妻年二十二孀居訓子元聲成名以壽終

潘大蕃妻徐氏

按永豐縣志徐氏潘大蕃妻事舅姑孝處姻婭無間言蕃早沒氏毀容裂服矢志撫九歲子起元艱辛教養得舉明經氏以壽終

吳國士妻胡氏

按永豐縣志胡氏諸生吳國士妻士死氏年二十八苦節撫三子一女俱舉婚嫁平居足不出中庭教三子俱補弟子員年七十餘有司旌表

余文大妻周氏

按永豐縣志周氏余文大妻文大輸糧省中沒於途氏年三十長子九齡次方權祿家貧拮据扶輓歸葬苦節五十餘載邑令表其門

周貽讓妻余氏

按永豐縣志余氏諸生周貽讓妻夫亡氏年二十二守節撫孤教子成立年七十八終

徐學召妻潘氏

按永豐縣志潘氏諸生徐學召妻年二十一夫亡子殤矢志守節老而益堅年六十有司旌表

劉九章妻程氏

按永豐縣志程氏劉九章妻年十八夫亡撫孤甘貧守志孀居六十三載惟以忠信勉勵後人年八十一卒

王錢亨妻詹氏

按永豐縣志詹氏諸生王錢亨妻常山孝廉詹見奇女性耽雅淡不事脂粉事舅姑以孝夫病刲股救之不起既寡回母家鬻頂為尼終老焉

周尚觀妻吳氏

按永豐縣志吳氏周尚觀妻年二十八夫亡矢志撫孤成立娣姒五人吳居長以勤儉相助垂白無間言閭里稱之

鄭元亨妻俞氏

按永豐縣志俞氏孝子鄭元亨妻年二十夫亡族人勸改適氏斷髮矢志百折不回撫育二子成人以壽終

紀芳春妻呂氏

按永豐縣志呂氏孝子紀芳春妻夫亡守節撫孤克承先志以壽終

曾全妻湯氏

按臨川縣志湯氏曾全妻年二十夫亡苦節終老

管建中妻張氏

按臨川縣志張氏管建中妻施順敬飭嫻於婦道年二十五夫亡姑老子天衢甫六歲父以其少諷改節氏曰有姑當事有子當教奈何誨以不義卒守志不移平居未嘗見齒後天衢領鄉薦第二略無喜色壽七十三終邑令申請建坊旌其節孝

徐承恩母劉氏

按臨川縣志劉氏諸生徐承恩母年十九夫亡苦節八十六載郡守旌之

周士禎妻姜氏

按臨川縣志姜氏周士禎妻士禎襁褓失怙賴母教養成立及娶姜生子甫週而沒姜守死不易其志

李元潔妻黃氏

詹滾妻黃氏

喻詔妻楊氏

按臨川縣志已上三婦俱萬曆間旌表事實無考

劉世亨妻趙氏

按臨川縣志趙氏劉世亨妻年二十二夫亡苦節終身

危時行妻劉氏

楊氏附

按臨川縣志劉氏危時行妻年二十而寡撫幼子世純成立世純無子沒婦楊立族子爲後訂奪墓至是時刻已垂白楊嚙指毀面誓死義姑劉年九十楊年八十四終陳九川題其堂

饒贊妻唐氏

蕭氏附

按臨川縣志唐氏饒贊妻生二女夫沒側室寧方娘未幾舉子季女謀毒之唐氏驚覺泣下白於官而罪其女與甯共撫成之唐年八十一甯年九十三終

彭亨妻黃氏

按臨川縣志黃氏彭亨妻少寡苦節至老無怨言萬曆中旌表

傅爛七妻范氏

按臨川縣志范氏傅爛七妻歸一年而爛死姑憐其少欲嫁之氏毀容誓死竟不能奪

喻某妻周氏

按臨川縣志周氏喻某妻年二十喪夫苦志自殲歷五十三年以壽終學使表其門

趙時所妻過氏

按臨川縣志過氏諸生趙時所妻年二十而寡止一子天祐食貧苦節以撫字之恐不育日哭禱於家廟天祐竟克長爲郡諸生危緒賴以不墜

吳世龍妻余氏

按臨川縣志余氏小字瑞玉明經余秉忠女吳世龍妻龍爲江都丞未幾沒於官氏年二十五家計蕭條夙夜織紉親植園蔬以奉其祖姑及姑迨兩姑卒親營墳墓有白鳥來巢有司表其門

吳時順妻許氏

按崇仁縣志許氏名英秀吳時順妻生子方半歲夫亡氏年十八哀痛毀容惟願從夫地下姑力勸免父母以其少強他適卒不能奪其志孀居五十載宗黨咸稱之萬曆間旌表

劉敬妻方氏

按崇仁縣志方氏名滿秀劉敬妻年二十八夫亡哀毀欲絕勸者曰舅姑老子女俱幼不可不自愛氏強自節哀矢志孝養舅姑深居教子終身不與宴會不觀演劇子應奎沒氏痛悼踰月而終時年五十有七

劉作妻方氏

按崇仁縣志方氏名廷秀方伯陽女年十六歸劉作十九夫亡矢志不二終身罕聞笑語事姑至孝教子有成年七十卒萬曆間旌表

黃玉沆妻鄧氏

按崇仁縣志鄧氏名姿秀黃玉沆妻生子汝楠甫三

月夫亡哀慟幾絕以舅姑勸不克從死越數年舅姑相繼沒氏殯殮營葬無不盡禮孀居四十餘年貞操如一萬曆初旌表

聶裕妻劉氏

按金谿縣志劉氏名恆玉常豐劉錫女幼事父母以孝聞適崇陽聶裕生子稜甫一載裕亡劉年十九哀痛欲自絕姑抱種勸曰吾老矣汝更從夫此兒安託劉從姑命強自抑制骨立珊珊日就憔悴父母屢諷之輒以死誓後遭家難饘粥不備翁邁危疾劉禱天請以身代里人憐之爲延名醫治翁疾後翁姑相繼沒劉竭蹶營葬靡不盡禮教子克昌有成卒年六十萬曆中旌表

王福地妻徐氏

按金谿縣志徐氏徐源女城西儒士王福地妻年十八歸福僅兩月福亡守志不渝家貧紡織以奉舅姑年七十五卒萬曆中旌表

欽定古今圖書集成明倫彙編閩媛典

第一百九十五卷目錄

閩媛部列傳七十七

明七十二

孔弘乾妻鄭氏
賴益宗妻黃氏
嚴子淵妻劉氏
王彥冠妻黃氏
何銅妻黃氏
劉檜妻上官氏
鄧洪妻艾氏
譚良謀妻符氏
涂欽妻黃氏
周廷瑞妻趙氏
江用瀛妻敖氏
潘浩妻楊氏
程吳妻楊氏
黎開甫妻游氏
晏時昭妻蘇氏
唐重儒妻曾氏陳氏曾氏附
丁文諒妻李氏
朱氏女
鄧純齋妻王氏
黃沂妻張氏
饒良竹妻黃氏
江思禹妻甯氏
孔貞厚妻楊氏
鄧頑妻江氏
李伯誠妻朱氏
揭文誠妻何氏
李鐸妻黃氏
魏雲程妻曾氏
李顯高妻崔氏
謝泌妻侯氏
涂文郁妻潘氏
潘用吉妻黃氏
丁壽章妻鄧氏
黃昇妻許氏
李用和妻黃氏
李孝德妻張氏
黃喬檜妻范氏
晏弘範妻游氏蘇氏附
吳好易妻龔氏
傅潔妻趙氏
鄧仲驥妻丁氏
許庭宣妻黃氏
王維煩妻涂氏
張日祥妻涂氏
魯仲信妻馮氏
余希憲妻黃氏

鄧湯盤妻嚴氏
曾應魁妻譚氏
傅紹妻廖氏
黃嫺妻李氏
曾有行妻彭氏
危士璉妻曾氏
崔潛妻曾氏
曾以濟妻胡氏
揭昱妻黃氏
李潛妻何氏
劉元山妻傅氏
劉浙妻黃氏
吳國才妻何氏
傅哲妻何氏
何應華妻王氏
曾時璋妻符氏
駱德宏妻揭氏
魏鎮妻黃氏
吳梅芳妻揭氏
揭曾妻高氏
唐夢豹妻劉氏
劉孔昭妻魏氏
揭其大妻孫氏
劉汝相妻曾氏
黃必登妻何氏
魏立達妻何氏
丘鐵妻黃氏
趙伯堡妻徐氏
允愚妻劉氏
鄧魁妻彭氏
姚卓妻符氏
姜國祥妻趙氏
姜輝妻黃氏
趙伯召妻廖氏
姜珞妻鄒氏
吳廷寵妻何氏
饒亨妻揭氏
唐星妻揭氏
何迎昌妻賴氏
何夢麒妻胡氏
王廷儀妻丘氏
劉希陽妻李氏
黃夢桂妻王氏
何孔廉妻李氏
李德勳妻揭氏
李春陽妻吳氏
劉仕魁次妻潘氏
何鑑妻王氏
何文淵妻張氏
揭桂妻王氏
謝士科妻胡氏
黃中彥妻謝氏
謝應登妻揭氏
魏克賢妻揭氏

黃龍見妻謝氏
揭氏女
曾謨妻郭氏
曾世臣妻劉氏
胡亮妻曾氏
梁敦妻楊氏
尹婦郭氏蕭氏
李處恭妻周氏
周翔鳳妻藍氏
蕭廷英妻彭氏
姚相魯妻歐陽氏
項拂妻彭氏
周禮妻劉氏
賀備妻李氏
歐陽邦傑妻羅氏
曾蕭妻蕭氏劉氏歐陽氏附
劉應壽妻彭氏
解某妻劉氏李氏徐氏周氏曾氏附
陳公康妻劉氏任氏附
陳應嶽妻尹氏
徐登妻宋氏
周氏女
王有初妻涂氏
劉仁妻陳氏
郭仁聲妻陳氏
歐陽循瑚妻張氏
劉貢琛妻李氏
胡士光妻高氏
揭其妻吳氏
劉顯泰妻楊氏
歐陽昭妻劉氏
歐陽訓妻尹氏
胡日舒妻歐陽氏
張峰妻劉氏
周梧鳳妻宋氏
彭勉恢妻歐陽氏
謝寶妻朱氏
王良相妻歐陽氏
彭選元妻郭氏
劉得妻李氏
高寶妻朱氏
郭願學妻劉氏
李尚友妻羅氏
羅韞儀妻歐陽氏二附
黃幼光妻董氏
徐自省妻李氏
湯之監妻陳氏
聶簡秀妻羅氏
陳鎬妻袁氏
胡大滔妻蕭氏
郭茂芳妻羅氏
張瑚妻羅氏
郭新妻龍氏

黎仁志妻彭氏 蕭由梧妻高氏
陳登松妻張氏 何一慤妻曾氏
郭開詔妻黃氏 郭九思妻蕭氏
張履安妻陳氏 劉尚樞妻歐陽氏
蕭道甫妻羅氏

閨媛典第一百九十五卷

閨節部列傳七十七

明七十二

孔弘乾妻鄭氏

按建昌府志鄭氏新城人年十九適孔弘乾繼姑嚴事之曲盡乾沒無子誓不改適預勒其名墓石逾十九年叔生次子開易鄭以為嗣教之成名克振其業

鄒頑妻江氏

按建昌府志江氏新城人少寡無子撫二女績絀為活奉姑勤謹立姪應宿為後宿多子女常客於外江勤女紅以給之人稱苦節

賴益宗妻黃氏

按建昌府志黃氏廣昌人賴益宗妻年十七歸益宗生一女而宗亡黃毀容骨立事舅姑終身

李伯誠妻朱氏

按建昌府志朱氏新城人李伯誠妻生一子夫病革語曰親老子幼奈何朱泣謝及亡誓不改節家貧紡績以養舅姑撫子成立孀居五十年終

嚴子淵妻劉氏

按建昌府志劉氏嚴子淵妻廣昌人及笄歸子淵淵疾臨終囑劉勿再適劉曰微幼子當相從地下矣何云再適也後卒如其言

揭文誠妻何氏

按建昌府志何氏揭文誠妻廣昌人尚書何喬新女文誠沒何年二十一撫嗣子釗布衣蔬食歷二十年如一日

王彥冠妻黃氏

按建昌府志黃氏廣昌人王彥冠妻年十八彥冠病亟語黃曰我死汝自為計黃泣曰脫不幸寧死不再適彥冠沒無子王撫姪沼為後經理家事一唯勤儉終身言不出閨年七十遇流賊執其孫氏泣訴平生賊憐而釋之

李鐸妻黃氏

按建昌府志黃氏廣昌人李鐸妻適鐸期年鐸亡氏年十七家無擔石矢志自守環堵蕭然不蔽風雨育鵲豚績麻苧以給朝暮歷四十年如一日

何銅妻黃氏

按建昌府志黃氏廣昌人何銅妻夫亡氏年二十二無子家貧紡績自給歷艱苦四十年終

魏雲程妻曾氏

按建昌府志曾氏廣昌人魏雲程妻夫亡氏年十九苦守二子縞衣蔬食終身不出庭戶值歲歉績麻易粟以養老姑常自抱飯無怨

劉檜妻上官氏

按建昌府志上官氏劉檜妻南豐人夫亡遺孤芳尚

幼母家欲奪其志不從堅守訓子讀書登歲薦

李顯高妻崔氏

按建昌府志崔氏李顯高妻南豐人幼聰慧通小學夫亡撫孤家貧紡績教育子長克成令名

鄧洪妻艾氏

按建昌府志艾氏鄧洪妻南豐人年二十二夫亡遺子一歲母欲奪其節氏哭踴幾絕剪髮誓死縞衣蓬首孝養舅姑年七十而卒

謝泌妻侯氏

按建昌府志侯氏謝泌妻年十八家貧事姑孝盜起焚殺遠近逃避姑疾篤不能起氏號泣姑側盜逼之不從被刃流血仆溝中賊退漸甦見一篋發視皆珠族婦以為己物悉歸之後夫與姑俱亡子幼家極貧父母令改適氏曰餓死命也卒不聽

譚良謨妻符氏

按建昌府志符氏南豐人譚良謨妻萬曆甲寅建坊旌表事實無考

涂文郁妻潘氏

按建昌府志潘氏新城人涂文郁妻夫亡氏年二十九號泣期自盡姑慰解曰婦方有身未必非男願節哀以存宗祀及生子甫踰月不育潘過痛成疾一年始瘥終身縞素守節凡四十年而卒

涂欽妻黃氏

按建昌府志黃氏涂欽妻新城人欽登進士任乳源丞覆舟而死氏聞訃哀毀骨立誓不改節教子順占

成甲申進士官禮部主事

潘用吉妻黃氏

按建昌府志黃氏新城人潘用吉妻夫亡氏年二十三矢志守節終始不渝鄉人賢之相率狀其事於有司未報而卒年六十八

周廷瑞妻趙氏

按建昌府志趙氏周廷瑞妻新城人幼有懿德及長歸廷瑞年二十五孀居以禮自防凡六十年終

丁壽章妻鄧氏

按建昌府志鄧氏丁壽章妻新城人歸章五載而寡氏年十九父母欲使更適鄧妻然泣下曰苟如是異日何以見夫地下卒不從縞素自守凡四十八年卒

江用濶妻敖氏

按建昌府志敖氏江用濶妻新城人用濶早喪氏年十九哀毀欲自絕所親欲奪其志終不能勝曰背夫不義棄親不孝卒孝養舅姑終始一節鄉人至今稱之年六十五終

黃昇妻許氏

按建昌府志許氏黃昇妻新城人年二十昇亡無子家貧或逼嫁以射利許悉貨其夫遺田三畝預備凶事以絕眾望眾遂憐之聽其饑寒初有嗣子尋亦背去惟一婢以共朝夕邑寡者爭迎飲食之至死無怨

潘浩妻楊氏

按建昌府志楊氏潘浩妻新城人年二十三而寡一子尚襁褓父母憐其無託令改適氏以死自誓躬紡績終身

李用和妻黃氏

按建昌府志黃氏李用和妻夫亡黃年二十六子方二歲家貧母憐其苦諷之嫁誓死不二及子喪又撫

孫泉以老孀居五十餘年

程昊妻楊氏

按建昌府志楊氏新城人程昊妻昊沒一子復天氏事舅姑妯娌長幼曲盡其道守志三十七年終

李孝德妻張氏

按建昌府志張氏李孝德妻新城人年二十一夫亡子鍾尚幼父母憐其少欲嫁之氏引刀自斷其指勸女紅教鍾成立發居四十七年鍾登歲薦

黎聞甫妻游氏

按建昌府志游氏別駕游秩宗女生而慧穎幼隨兄讀書凡孝經論語及葩詩婦則諸書無不誦記遇事所觸輒能引証父善病氏年僅十三朝夕父側調治藥餌雖臧獲滿前不一假手宗族鄉黨無不以孝女稱之及笄嫁同邑黎聞甫聞甫早失所怙倚命惟祖迨氏于歸不數年而祖翁又沒遺孤在抱堂上有七十太姑一切家事悉以付氏無何聞甫以數艱鬱鬱成疾而死氏年二十三焚焚靡特痛絕欲死水漿不入口者七日父謂曰爾死誠是顧爾夫終鮮兄弟母子相依為命爾死太姑誰養即親孤又誰任也孰若教子成名俾爾夫未酬之願得伸於爾子不愈於徒死乎氏乃節哀順變敬養太姑啜水茹茶歷數十年如一日教子末年補弟子員食餼有聲未幾祖姑謝世氏子身操持克以其餘周給貧乏淑德徽音遐邇傳播一日盜劫其家及知姓氏相驚悔曰此向時饑與粥寒與衣者胡忍取之遂出境獸散後被獲供吐如前語

黃喬檜妻范氏

按樂安縣志范氏名烈貞黃喬檜妻年二十三夫亡苦節撫遺孤不業教養成人以壽終

晏時昭妻蘇氏

按樂安縣志蘇氏名銀貞縣簿晏時昭妻年二十四夫沒子期獻纔四歲氏苦節孝養翁姑課子成立為軍國府教授

晏弘範妻游氏

按樂安縣志游氏晏弘範妻年二十六夫沒無子續麻自給與妾蘇氏各年七十餘卒

唐重儒妻曾氏

按樂安縣志曾氏諸生唐重儒妻年二十六夫亡誓不改節撫二子長國岐娶陳氏年十七而寡次國宣娶曾氏年十八而寡與姑共守終身萬曆間旌表

吳好易妻龔氏

按樂安縣志龔氏名孝貞吳好易妻易沒龔年二十四遺孤良僕纔週歲氏辛勤教育有古陶母風

丁文諒妻李氏

按樂安縣志李氏丁文諒妻年十九夫亡無子矢志自守勤女紅以拓夫業樂施好予以壽終

傅灤妻趙氏

按南城縣志趙氏郡庠生傅灤妻年十五歸傅踰五載夫病淋氏旦夕扶持衣不解帶者十餘月及喪號哭踰度既三載父母強歸寧有富商劉欽路媒求娶氏拒弗從又有黃姑者巧誘百端解所繫金帶贈氏氏擲於地閉室自縊其母走救獲免遂返傅灤弟復喪其妻見氏苦守亦不忍有二志以姑婢性嚴弗能堪遂別嫁氏益自砥勵終身年六十一卒學使旌表

朱氏女

按南城縣志朱氏女益藩將軍朱存源女名德貞幼許聘王郎未嫁而王天德貞聞而慟哭告父母曰女已受王聘請往即歸父母許之及詣王辭踊號哭拜王父母入室踞牀而坐父母迎歸弗聽卒終守於其家國人咸以詩表之寧海令張紹謙爲之序

鄧仲驥妻丁氏

按南城縣志丁氏文學鄧仲驥妻丁禹泉女明卿之姊也適鄧方兩日而驥病丁侍湯藥衣不解帶未一月而沒丁哭踊欲從地下衆勸止之其嗣子不肖盜賣其田丁守節母家止弟與女姪三人而已忽夢有白衣婦招之果刻期而逝囑與夫合葬焉陳大士爲之誌銘

鄧純齋妻王氏

按新城縣志王氏鄧純齋妻夫亡孀居五十五年足不履中庭疾召巫祝王怒罵不許年八十九終

許庭宣妻黃氏

按新城縣志黃氏許庭宣妻年十九夫亡無子黃勸甚勇疑婦有他志黃誓死苦節終身不渝

黃沂妻張氏

按新城縣志張氏黃沂妻沂任藩職年三十亡氏孀居紡織課子明卿領鄉薦官同知張封孀人年九十卒

王維煩妻涂氏

按新城縣志涂氏諸生王維煩妻聘之母也兄官冢宰不以貴顯自矜炊爨席藉佐夫讀書事舅姑孝夫亡躬親井日延師教子兄弟皆恂恂守法一遵慈訓

悉以所有倉田歸族人易祖墓旁隙地葬夫年七十二卒

饒良竹妻黃氏

按新城縣志黃氏饒良竹妻郡庠饒國義祖母年十二喪夫子世常方七歲家貧舅屢勸他適黃答曰歲寒不改冰霜節刀鋸難移鐵石肝自是舅不敢復言氏閉戶紡績待子成立爲婚娶年五十九卒邑令表其門

張日祥妻涂氏

按新城縣志涂氏張日祥妻年二十四夫亡矢志守節撫二子燦五歲炳遺履俱鞠育有成年舅姑以孝後燦以讀書知名氏年七十四卒

江思禹妻甯氏

按新城縣志甯氏江思禹妻郡庠生江錄圖母甯宇龍衢甫壯而沒甯年二十九二子長以瑾四歲次錄圖方十月氏撫兩孤孤哭無倚親戚哀其家貧年少欲令棄子改圖從容勸諭甯正色叱之皆悚息不復言及二子稍長知學氏訓之甚嚴言動必循禮族里交稱賢母家貧遺錄圖師事族之賢者一切供饌身紡績以具年六十五卒縣令表其門

魯仲信妻馮氏

按新城縣志馮氏魯仲信妻年十五歸信信亡馮年三十長子論六歲次訓尚襁褓風雨飄搖百苦叢集撫子卒皆成人論官同知訓補邑弟子員年八十一卒

孔貞屋妻楊氏

按新城縣志楊氏孔貞屋妻年十九夫亡苦節堅守

撫叔子尚爲嗣年九十七卒縣令旌之

余希憲妻黃氏

按新城縣志黃氏余希憲妻年二十夫亡或諷改嫁氏矢志靡他撫子成立始終無二年九十卒

鄧湯盤妻嚴氏

按新城縣志嚴氏南城鄧湯盤妻盤亡氏年二十父欲奪其志不從深居屏息雖三尺童子不相授受勤女紅以養親鄉閭賢之郡守表其門年九十卒

趙伯堡妻徐氏

按南豐縣志徐氏趙伯堡妻年十六夫亡無出撫嗣子師璋成人萬曆末邑令旌之

曾應魁妻譚氏

按南豐縣志譚氏曾應魁妻年十八夫亡斷髮自矢撫嗣子如己出年九十卒始終如一鄉黨無間言

允愚妻劉氏

按南豐縣志劉氏允愚妻年十八于歸甫八月夫亡剪髮自矢供織紉以事舅姑年八十二邑令旌之

傅韜妻廖氏

按南豐縣志廖氏傅韜妻年十四夫亡守節至九十餘歲卒

鄧魁妻彭氏

按南豐縣志彭氏鄧魁妻年二十夫亡堅守六十餘年卒

黃嫺妻李氏

按南豐縣志李氏黃嫺妻年二十三夫沒子理僅四齡父母勸改嫁碎首慟哭夫柩前屏息一室足不履閭以壽終

姚卓妻符氏

按南豐縣志符氏姚卓妻年十九夫亡無出撫嗣子成人年七十六邑令旌之

曾有行妻彭氏

按南豐縣志彭氏曾有行妻年二十一夫亡子方五歲女甫拜母強之別適不從家貧而賢舅姑愛之妯娌雖多獨與氏同爨氏親操井臼事之惟謹極勞苦無倦翁年八十病瘋每中夜思食氏至不能安枕年五十一終

姜國祥妻趙氏

按南豐縣志趙氏姜國祥妻年十九夫亡子崇仁甫五月氏苦節鞠之事舅姑孝教子孫嚴冰玉之操終始無二學使旌之年八十九卒

危士璉妻曾氏

按南豐縣志曾氏危士璉妻年二十一夫亡遺孤方七齡矢志訓子守節四十餘載年六十有二卒

姜輝妻黃氏

按南豐縣志黃氏姜輝妻年二十四夫亡子繼死氏誓不他適紡績自給年踰六十萬曆間有司旌表

崔潛妻曾氏

按南豐縣志曾氏西平崔潛妻歸三載夫病瘧死遺孤十月氏毀容事姑教子成立萬曆二十九年卒年九十一縣令旌之

趙伯召妻廖氏

按南豐縣志廖氏趙伯召妻夫以救焚死火中廖年二十有二聞變欲即從死妯娌阻之曰夫亡舅姑無侍養之人兩歲遺孤誰為撫育得無重汝夫恨乎乃

忍死守貞終事舅姑教子成立年六十二終

曾以濟妻胡氏

按南豐縣志胡氏曾以濟妻夫病氏衣不解帶以事湯藥及亡氏年二十有五終身不事容飾訓子敏行孫國彥皆以文各年九十餘有司給布粟周之

姜瑤妻鄒氏

按南豐縣志鄒氏姜瑤妻年二十五夫亡無子矢志靡他撫姪國華為後教之成立事繼姑以孝聞邑令歲給米帛仍表其門

揭昱妻黃氏

按廣昌縣志黃氏揭昱妻同知黃疇女年十六于歸五十日而昱亡氏誓不再嫁終身

吳廷寵妻何氏

按廣昌縣志何氏吳廷寵妻幼貞淑知書年十八歸廷寵生二子寵亡氏年二十五嚙指滴血入棺觸棺暈絕者再獨處一房非祭不出奉姑終天年撫子成立苦節五十載邑令旌之

李潛妻何氏

按廣昌縣志何氏廖生李潛妻年十六歸李及潛沒家貧無嗣矢志不他適葬夫即營塚預勒名氏於墓石事姑婉順姑每稱為貞婦而不名年八十二僉憲表其堂

饒亨妻揭氏

按廣昌縣志揭氏諸生饒亨妻幼聰慧通小學大義年十七歸饒饒七年饒亡無嗣慟哭幾絕期從夫地下母諭之曰二人在堂老矣而死其何恃揭乃苦節以事翁姑姑疾廢幼叔榮榮賴揭撫養成立孀居四

十六年年七十一邑令表其門

劉元山妻傅氏

按廣昌縣志傅氏庠生劉元山妻幼通孝經列女傳年十九歸劉孝事舅姑元山氏年二十三無子甘貧茹苦撫叔子為嗣不啻已出姑患疾三載旦夕躬湯藥侍起居未嘗少倦孀居四十餘年邑令表其門

唐星妻揭氏

按廣昌縣志揭氏唐星妻年十七歸星事翁姑以孝聞夫亡無嗣揭年二十三哭絕復甦者三誓以身殉母力勸止家貧勤紡績自食屢空無怨邑令表其門

劉浙妻黃氏

按廣昌縣志黃氏劉浙妻年及笄歸劉二十八夫亡觸棺欲以身殉姑慰諭再四乃止食淡衣綯矢志靡他奉養老姑撫遺孤成立年五十一卒邑令表其門

何迎昌妻賴氏

按廣昌縣志賴氏何迎昌妻年十九昌亡家貧無嗣以節終萬曆二十年御史奏請旌表

吳國才妻何氏

按廣昌縣志何氏吳國才妻年十六歸國才才困諸生常鬱鬱不樂何每婉辭解之比才疾革顧何曰吾有志未竟親老子幼以累汝奈何何悲咽失聲及沒號哭不絕口三日一嘔糜輒吐坐立顛仆須杖而起年二十九三子僅襁褓家日益窘以過哀得疾至老不愈後長子思學成進士封太宜人猶身服勤勞年六十七御史以粟帛存問復其家

何夢麒妻胡氏

按廣昌縣志胡氏何夢麒妻年十六適麒性婉順事

繼姑以孝聞夫亡胡年二十五孀居四十年郡守表其門

傳哲妻何氏

按廣昌縣志何氏太學生傳哲妻幼聰慧讀孝經列女傳輒通大意年十八適哲善事舅姑哲亡氏年二十四無子止一女殮之日觸棺欲從以姑故強自寬解毀容茹蔬甘貧勵節歷五十年如一日邑令旌之

王廷儀妻丘氏

按廣昌縣志丘氏王廷儀妻年十九于歸夫亡氏年二十七拔髮納棺誓不再嫁遺孤方一週及長又早沒撫六歲孫相倚爲命年八十二有司表其門

何應華妻王氏

按廣昌縣志王氏何應華妻年十六歸華越三載華亡王孀居五十餘年以禮自持不妄踰閭萬曆甲申御史奏請建坊旌表

劉希暘妻李氏

按廣昌縣志李氏劉希暘妻通判李朴女性溫柔年十七歸劉踰數年生子良臣暘亡氏年二十五撫孤成立事兩姑終喪績麻以供衣食至死無一邑令表其門

曾時璋妻符氏

按廣昌縣志符氏曾時璋妻年十八歸璋甫期璋亡無嗣氏哀毀幾絕誓不再嫁紡績奉姑操持益勵年踰八十邑令旌之

黃夢桂妻王氏

按廣昌縣志王氏黃夢桂妻年十五適黃未幾桂天王哀號欲死姑知其方娠泣諭之曰而死如宗祧何

王悟強自抑制撫遺腹子鉞事姑終喪撫鉞成立有司表其門

駱德宏妻揭氏

按廣昌縣志揭氏駱德宏妻夫早亡事姑以孝訓子以義甘貧茹苦四十年邑令表其門

何孔廉妻李氏

按廣昌縣志李氏何孔廉妻通判李朴女性至孝夫喪苦節三十餘年御史旌表

魏鎮妻黃氏

按廣昌縣志黃氏諸生魏鎮妻年十五歸鎮鎮死氏年二十三苦節自誓終身不事脂粉事姑嫜以孝聞年八十邑令表其門

李德勳妻揭氏

按廣昌縣志揭氏李德勳妻年十五歸李踰二年夫沒無子揭矢志守節家貧奉翁姑曲全其孝撫伯子以續宗祧孀居四十餘年邑令表其門

吳梅芳妻揭氏

按廣昌縣志揭氏吳梅芳妻年十七歸吳僅十載夫沒哭絕者再二子方襁褓教育皆底於成勵志秉節始終無變邑令表其門

李春陽妻吳氏

按廣昌縣志吳氏李春陽妻年十六適李性婉順事姑嫜以孝聞生一子夫亡氏年二十三哀毀骨立矢志不二撫孤勤儉年七十邑令表其門

揭會妻高氏

按廣昌縣志高氏揭會妻年十六歸會姑老雙目俱瞽育子方周會亡氏年二十七守節四十餘年奉姑

終撫子成立萬曆二十年御史奏請旌表

劉仕魁次妻潘氏

按廣昌縣志潘氏劉仕魁次妻年十五于歸生子光範甫周魁亡氏忍死撫孤泣語其子曰吾以未亡之身苟延旦夕者冀若成立以慰若父於泉下耳範感其言發憤力學補庠生有孝行御史奏請旌之

唐夢豹妻劉氏

按廣昌縣志劉氏諸生唐夢豹妻年十七適唐再歲不孕請於姑曰夫孱弱不敢必壽而婦又不孕可悉以簪珥置膝遂納某氏既而兩皆育子又再歲夫亡妾亦病沒劉痛絕欲死姑以二孤勸劉乃強起鞠育極茶苦拮据教二子皆成立萬曆丙申郡守旌其門

何鑑妻王氏

按廣昌縣志王氏何鑑妻夫沒忍死奉姑撫女成立稱慈孝四十年坐臥一小室未嘗移徙宗嫗女婦咸敬憚之

劉孔昭妻魏氏

按廣昌縣志魏氏劉孔昭妻年十七歸孔昭生子澤方二歲昭驟病亡魏矢志自守哀毀骨立旦夕焚香告天圖存劉後邑令表其門

何文淵妻張氏

按廣昌縣志張氏家宰何文淵妻霸州張文禮女少知讀書年二十一事何七年淵沒氏號慟欲自盡夫入揭氏慰之曰汝盛年無子慎勿自戕其生有母在當遣人送歸張泣對曰生爲尚書妾死願從葬尚書之墓豈忍復歸母家自是屏膏沐淨掃一室祀尚書像朝夕焚香尚食如生守節二十餘年縣令上其事